

Delegat **Krunoslav Vrdoljak** postavio je Vijeću ministara BiH i Ministarstvu odbrane BiH: Pitanje Vijeću ministara BiH:

„ Posljednji dokument kojim je regulirano korištenje hidroenergetskih objekata u BiH (Buško blato) od strane HEP-a Hrvatske jeste Rješenje Ministarstva prostornog uređenja bivše HRHB iz 1996. godine. Naknada za korištenje hidroakumulacije vrši se po odredbama federalnog zakona koji se primjenjuje za sve hidroakumulacije u FBiH iako je situacija s Buškim Blatom, čiju vodu koristi druga država, potpuno drugačija. Livno i Tomislavgrad zbog toga gube 15-ak miliona KM na godišnjem nivou.

Namjerava li Vijeće ministara BiH ili nadležno ministarstvo međudržavnim ugovorom s Hrvatskom konačno riješiti problem Buškog Blata?“

Drugo pitanje upućeno Ministarstvu odbrane BiH glasi:

„ Unapređenja pripadnika OSBiH od vojnika do generala u periodu od 2007. do danas vršena su potpuno nesrazmjerno u zavisnosti od pripadnosti jednom od naroda. Tako je unaprijeđeno ukupno 744 Bošnjaka, 846 Hrvata i samo 230 Srba. Razlog tome su različita rješenja u zakonima MIO FBiH i RS-a na štetu pripadnika OSBiH iz srpskog naroda. Rješenja ovog problema postoje, tim prije što se radi o relativno malom broju pripadnika OS, odnosno malom iznosu sredstava.

Da li Ministarstvo odbrane BiH preduzima ikakve radnje s ciljem rješavanja ovog veoma značajnog problema?“